



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XCIV. Erectio Episcopatus Blasen.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1697.
Claufula.

§. 4. Decernentes easdem praesentes Literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis ad quos spectat, & pro tempore quancumque spectabit inuolabiliter observari, neque ipsis praesentibus per quascumque claufulas generales, nisi facta illarum speciali, & individua mentione, ullo modo derogatum censi: Sicque, & non aliter in praemissis per quoscumque Iudices Ordinarios, & Delegatos, etiam Casarum Camerae Apostolicae Auditores, iudicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 5. Non obstantibus praemissis, ac Constitutionibus, & Ordinationibus Apostolicis, necnon omnibus, & singulis illis, quae dictus Alexander Praedecessor in suis literis praedictis voluit non obstat, ceterisque contrariis quibuscumque.

§. 6. Volumus autem, ut earumdem praesentium Literarum transumptis, seu exemplis, etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides ubique locorum, tam in Iudicio, quam extra illud habeatur, quae ipsis praesentibus haberetur, si forent exhibitae, vel ostensa.

Datum Romae apud S. Mariam Majorem sub Annulo Piscator. die XII. Junii MDCXCVII. Pontificatus Nostri Anno Sexto.

XCIV. Erigitur Oppidum Blesen. in Civitatem, ejusque Ecclesia S. Solemnis in Cathedralam.

Const. ed. 1694. Maii 16. P. 3. extat erectio Episcopatus Alesien. Nemausien. Diocesis. Et Benedict. XIII. Const. ed. 1728. Nov. 15. P. 5. erectio Episcopatus Fabriani.

Dat. 25. Junii 1697. An. 6.

INNOCENTIUS EPISCOPUS

Servus Servorum Dei. Ad perpetuam rei memoriam.

Exordium.

IN Sacra Beati Petri Sede meritis licet impartibus, ita Patre luminum disponente collocati, ad agrum, gregemque Dominicum nostrae commissum curae sollicita mentis acie circumspicientes in iisque ejusdem agri multiplicatis illius cultoribus exactiorem culturam, gregisque majorem fecunditatem profutura esse dignoscimus opem, ac operam nostram libentissime impartimur, praesertim dum sublimium, & excelso- rum Regum vota id exposcunt, consideratis- que locorum, personarum, & temporum qualitatibus id expedire animadvertimus.

Causa d. ere- ctionis, & Laudes Oppidi Blesen- sis.

§. 1. Hinc est, quod Nos pro Pastoralis nostro Officio, & omnium Ecclesiarum sollicitudine provide considerantes Diocesem Carnotensem tam in longitudine, quam in latitudine amplissimam, Regionemque Blesensem Populorum, & Incolarum copia valde repletam a Civitate Carnoten. esse adeo remotam, ut unicus Pastor tanta animarum multitudine ea, qua par est diligentia regere minime possit, praecipue cum earum major pars confoveri, firmari, & consolidari necesse habeat in vera, & Orthodoxa Fide Catholica, ad quam divina favente gratia, atque applicatione, & cura Charissimi in Christo filii Nostri Ludovici Francorum Regis, qui suorum Subditorum saluti semper intentus solum Dei cultum, ejusque Orthodoxam legis Observantiam, S. Matris Ecclesiae exaltationem, haeresum extirpationem, haereticorum-

que conversionem praeculis habet, non ita pridem feliciter conversa est, aequissimum esse medium duxit Regiones Blesensem, & Vindocinensem, ac partem, seu certam portionem Regionis Dunensis duabus regionibus praedictis contiguam a Diocesi Carnoten. separare, & dismembrare, Oppidumque Blesense situm in Provincia Aurelianen. ad Ripam fluvii Ligeris maris undique circum, quod olim fuit Comitum Blesensium Sedes, & deinde Regum Franciae, ac modo satis conspicuum bis mille circiter Domus, & supra decem millium Incolarum continens, Urbis Praefecto, & Regio Castro multiplicique cura, seu jurisdictione Praetoris quem *Baliviatum* vocant decoratum, constans quoque Virorum, & totidem Sanctimonialium Conventibus, duabus Collegiatis Ecclesiis, in quarum altera Sancto Salvatore dicata quinque dignitates, duodecim Canonicatus cum praebenda, & triginta duae Cappellaniae cum praebentibus, redditibus, & in eodem Oppido, ejusque suburbiis adfunt sex Parochiales Ecclesiae, inter quas insignior est illa Sancto Solemni Sacra, sumptis, & expensis dicti Ludovici Regis noviter reaedificata, pulchra, & satis elegantis structurae, tredecim Cappellis cum aliis tribus nondum terminatis, Campanile cum tribus Campanis, Cameterio, Fonte Baptismali, ac Choro cum quadraginta duabus sedibus, & navi populorum capace ornata, & decorata, sacraque, ac profana suppellestili ad divina peragenda, non tamen Pontificalia exercenda utcumque instructa, in Cathedralam, ibique Sedem Episcopalem erigere, & collocare, praeficiendo ei novum Episcopum, qui tum verbo, tum exemplo boni operis Incolas illorum finium magisque in vera Fide confirmaret.

§. 2. His igitur aliisque de causis animum nostrum moventibus, re prius in Congregatione Venerabilium Fratrum Nostrorum S. Romanae Ecclesiae Cardinalium rebus Consistorialibus praeposita sub die 19. Julii, & septima Septembris Anni Domini millesimi sexcentissimi nonagesimi sexti, vigesima quarta Januarii, & vigesima quarta Maii currentis Anni mature discussa piis ejusdem Ludovici Regis desideriis annuere volentes, ex certa scientia, ac de Apostolicae potestatis plenitudine de Venerabilium Fratrum Nostrorum S. R. E. Cardinalium consilio, & assensu dictum Oppidum Blesense, necnon Districtus, & territoria integra Archidiaconatum Blesensis, & Vindocinensis, ac certam partem, seu portionem Archidiaconatus Dunensis per Venerabilem Fratrem Nostrum Episcopum, & dilectos filios Capitulum, & Canonicos Carnoten. designata, & delineata cum omnibus suis confinibus, & terminis, quae in latitudine, & longitudine per sexaginta milliaria Italica se extendunt, & intra quae centum, & nonaginta duae Parochiae, octoginta millia fidelium complectentes, numerantur, ab ordinaria jurisdictione dicti Episcopi Carnoten. de ejus, ac illius Capituli Cathedralis expresso consensu, a qua auctoritate separamus, dismembramus, segregamus, & dividimus, illudque, ac ejus Clerum a moderno, & pro tempore existentis Episcopi Carnoten. superioritate, jurisdictione, potestate, subjectione, visitatione, & correctione, ac quibusvis aliis juribus Episcopalibus prorsus, & omnino eximimus, & liberamus, ac Oppidum praedictum Civitatis, illiusque Incolas Civium nomine, ac titulo, & honore decoramus, illudque in Civitatem Blesensem nuncupandam erigimus, & Parochialem Ecclesiam S. Solemnis in dicto Oppido Civitate nuncupatam existen. in Cathedralam Ecclesiam sub invocatione S. Ludovici pro uno Episcopo Blesen. nuncupando, qui illi praesit, ac ipsam Parochialem Ecclesiam ad formam Cathedralis Ecclesiae redigi faciat,

Preces Ludovici Regis Franciae.

Separatio Regionis Blesen. Vindocinens., & Dunen. ex parte a Diocesi Carnoten.

Erectio Oppidi Blesen. in Civitatem, & Ecclesiae S. Solemnis in Cathedralam sub honore S. Ludovici.

necnon

necon Ecclesiasticam Jurisdictionem, auctoritatem, & potestatem omniaque alia, & singula, quæ Ordinis, jurisdictionis, & cujusvis alterius muneris Episcopalis sunt, & ad illa, ac Synodi Dioccesanæ, convocationem, & celebrationem spectant, & pertinent exercere, necnon quæ alii Episcopi in suis Ecclesiis, Civitatibus, & Diocesis de jure, usu, consuetudine, aut alias quomodolibet facere, & quibus uti solent, & possunt, pariformiter æque principaliter absque ulla prorsus differentia in suis Ecclesia, Civitate, & Diocesi Blesen. etiam facere, gerere, & exercere, ac uti, frui, potiri, & gaudere libere, & licite possit, & debeat, ac pro tempore Archiepiscopo Parisien. jure metropolitico prout ante separationem, & dismembrationem suberat subjaceat cum Mensa, Sede, aliisque insignibus Episcopalibus, necnon præminentis, honoribus, privilegiis, immunitatibus, & gratiis spiritualibus, & temporalibus, personalibus, realibus, & mixtis, quibus ceteræ Cathedralis similiter, & pariformiter utuntur, potiuntur, & gaudent, ac uti, frui, potiri, & gaudere possunt, & poterunt, quomodolibet in futurum de similibus consilio, & potestatis plenitudine erigimus, & instituimus, ac eidem sic erectæ, & institutæ Ecclesiæ Blesen. ipsum Oppidum sic in Civitatem erectum pro Civitate, necnon districtus, & Territoria duorum Priorum Archidiaconatum, ac partem, seu portionem ultimodicti Archidiaconatus hujusmodi, ut supra à Diocesi Carnoten. separata pro Diocesi, necnon Ecclesias pro Clero, & personis faculares pro populo de consilio, potestate, & auctoritate paribus, & jam perpetuo concedimus, & attribuimus, & assignamus, Civitatemque, Clerum, & Populum hujusmodi Episcopo Blesen. quoad Episcopalem, & Archiepiscopo Parisien. pro tempore existent. quoad Metropolitanam Ordinariam jurisdictionem, & superioritatem de similibus consilio, & plenitudine subjicimus.

Diocesis
Episcopatus
Blesen. &
ejus subje-
ctio, uti
prius Archie-
piscopo Pa-
risien.

Dos, &
Mensa d. E-
piscopatus
ex quibus
Abbatibus, &
Prioratibus.

§. 3. Et insuper cum Venerabilis Frater Noster Jacobus Antonius Phaliquaux Episcopus Lodonensis. Burgi medii vulgo dicti Bourgmoien S. Augustini Canonicorum Regularium, & dilectus Filius Jacobus Franciscus Minor de Mevill Clericus, seu Presbyter S. Launomari respectivè Monasteriorum S. Benedicti respectivè Ordinum Oppidi Blesen., & Carnoten. Diocesis hujusmodi Abbates, seu perpetui Commendatarii ad quæ Monasteria dum pro tempore vacant jus nominandi vigore Concordatorum dudum inter Sedem Apostolicam, & clar. me. Franciscum I. olim eorundem Francorum Regem initorum ad dictum Ludovicum Regem spectat, & pertinet, & dilectus etiam Filius David Nicolaus de Portier Presbyter Vabren. Diocesis in Theologica facultate Parisien. licentiatus primus Episcopus Blesen. designatus perpetuus Commendatarius unius S. Joannis Blesen. a Pontis Levii dicti Ordinis S. Benedicti, & alterius Prioratum simplicium cura, & Conventu carentium S. Felicis de Campiniaco a dicti S. Launomari Monasteriis respectivè dependen. Commendæ hujusmodi, in quam Jacobus Antonius Episcopus, & Jacobus Franciscus, necnon David Nicolaus, qui Monasteria, & Prioratus hujusmodi ad eorum vitam ex concessione Apostolica respectivè obtinent, & obtinere consueverunt, in manibus nostris ad præmissorum, & infrascriptorum effectum cesserint. Nosque cessationes hujusmodi duximus admittendas; propterea titulos collativos Monasteriorum Burgimedii, & Sancti Launomari, ac prædictorum, & infrascriptorum Prioratum ac in eisdem Monasteriis nomina, & denominationes Abbatum usque ad illa nominandi de eisdem Ludovici Regis consensu Apostolica auctoritate prædicta etiam perpetuo supprimimus, & extingui-

mus, ac Mensas Abbatiales Monasteriorum Burgimedii, ac S. Launomari prædictorum, quorum fructus primodicti, videlicet ad trecentos quinquaginta, secundo prædicti vero Monasteriorum hujusmodi ad mille quingentos viginti florenos auri in Libris Cameræ Apostolicæ taxati reperiuntur, & ex quibus primodicti, videlicet quatuor millia, & secundo dd. Monasteriorum prædictorum decem millia, ac ex duorum prædictorum, & trium infrascriptorum Prioratum sex millia Librarum Turonen. annuatim percipi poterunt, firmis, intactis, ac illæsis remanentibus Monasteriorum prædictorum Mensis Conventualibus a dictis Mensis Abbatialibus separatis, & disjunctis pariter supprimimus, & extinguimus, ac dictorum Mensarum Abbatialium, necnon dictorum duorum Prioratum, ut præfertur vacantium, & cum primum illos per cessum, & in manibus nostris, aut alterius Romani Pontificis successoris nostri, seu decessum, vel quamvis aliam dimissionem, vel amissionem, aut privationem, seu alius quovis modo Commendis in quas illi, ex particulari concessione ad vitam obtineri consueverunt cessantibus unius videlicet de Monstiers Laumen., & alterius de Illou, necnon aliqui Prioratum etiam cura, & Conventu Caren. Sancti Martini de Montocau dicti Ordinis Sancti Benedicti Carnoten. Senonen., seu alterius respectivè Diocesis ab eodem Monasterio S. Launomari respectivè dependentium fructus, redditus, & proventus cujusvis quantitatis, qualitatis, naturæ, & speciei existant, prævia duorum priorum Monasteriorum, & Prioratum hujusmodi titulorum collativorum per quam suppressione, & extinctione pro dote, & mensa Episcopali Ecclesiæ Blesen. simili auctoritate perpetuo unimus, annectimus, applicamus, & appropriamus.

§. 4. Ac ad dictam Ecclesiam S. Solemnis futuram, ut præfertur, Cathedralis Sæcularis, & Collegiatam Ecclesiam Sancti Salvatoris hujusmodi cum omnibus, & singulis Dignitatibus, Canonicatibus cum præbendis, Cappellaniis, Anniversariorum foundationibus aliisque honoribus, & oneribus, ac quibusvis aliis juribus, & prærogativis ad eam spectantibus, & pertinentibus transferimus, ac unum Presbyterum, ad quem dictæ Collegiæ inservientem, ac alium pro tempore deputandum, qui eandem Ecclesiam S. Salvatoris regat, & gubernet, ac onera dictæ Ecclesiæ Blesen., si quæ illi in posterum incumbent supportet, & adimpleat inter Cappellanos dictæ Ecclesiæ Blesen. locum habere, ac omnibus redditibus, & emolumentis, quibus alii Cappellani ejusdem Ecclesiæ gaudent, & gaudebunt, & gaudere volumus, & mandamus; Capitularem vero Mensam, & Capitulum, necnon quinque Dignitates, seu Personatus in dicta Collegiata Ecclesia S. Salvatoris existen., nempe Decanatum dignitatem principalem, qui animarum, Canonicorum, dignitatum, Cappellanorum, & Ministrorum dictæ Ecclesiæ Blesen. juxta laudabiles consuetudines aliarum Ecclesiarum Cathedralium dicti Regni curam exercebit, Præceptoriam, Subdecanatum, Præposituram, & Thesaurariam, necnon duodecim Canonicatus cum totidem Præbendis, & triginta duas Cappellanas, necnon Anniversaria, aliaque jura, & onera, reservato tamen Decano, & Capitulo dictæ Collegiæ Ecclesiæ jure, quod eis competit, ut prius conferendi Beneficia in dicta Collegiata Ecclesia, & juxta foundationem erga Cappellanos amovibiles, & eidem Capitulo tanquam Rectori primario deputandi Canonicum, qui certis anni diebus in dicta S. Salvatoris Ecclesia Missas & horarum solemnias peragat, & exequatur, necnon administrandi Sacramenta pro tempore existenti Regi Franciæ, & Sanguinis Principi-

Translatio
Ecclesiæ
Collegiata
S. Salvatoris
cum nonnullis
Ordinationibus
circa Capitulum,
ejusque
Mensam, &
Beneficia.

bus primariisque Regni Administris in eventum, in quem illos, seu eorum aliquem in dicta Civitate Blesen. commorari contingat, ad sic erectam Cathedralē Blesen. de similibus consilio, & auctoritate, etiam perpetuo transferimus, & sic ipsa Ecclesia Blesen. Prioratum Sancti Solemnis in ejusdem Ecclesie Dignitatem sextam, & ultimam futuram, quem modernus, & pro tempore obtinens dictum Prioratum in reliquum Clerum, & Populum dictae Parochiae Curam animarum, ut prius exercebit, cum hoc, quod licet dictus Prioratus sit, & esse debeat sexta, & ultima Dignitas in dicta Ecclesia, tamen modernus Prior S. Solemnis praedicti Dignitatis titulo, ut praefertur, decoratus quoad vixerit, & d. suum Prioratum obtinebit secundum locum inter Dignitates, idest immediate post Decanum locum sibi vindicabit, & tam Dignitates quam Canonicatus, & Praebendas hujusmodi tam in Collegiata ex nunc erectos, quam in Cathedrali Ecclesiis pariter erigendos obtinentes Capitulum cum Mensa Capitulari, sigillo, & arca communibus aliisque Insignibus Capitularibus constituent, & apud dictam Ecclesiam Blesen. residere, stallumque in Choro, ac vocem in Capitulo ipsius, necnon in actibus, & functionibus Ecclesiasticis intra, & extra illam ubilibet juxta eorum respective antianitatem receptionis dumtaxat absque ulla alia cujusvis gradus, seu qualitatis distinctione, & in ipsa Ecclesia singulis diebus horas Canonicas tam diurnas, quam nocturnas, & Missas servata Ecclesiastica disciplina uniformiter celebrare, & decantare, illisque interesse, ac alias dictae Ecclesiae Blesen. in divinis, caeteraque onera injuncta, & pro tempore injungenda subire, & exercere, ac adimplere respective debeant, & teneantur, ac tam in Choro, quam Capitulo, processionibus, & aliis actibus, & functionibus habitus de jure praestari solitos, etiam deferre, & gestare libere, & licite possint, & valeant. Praeterea Nos omnimodam jurisdictionem, superioritatem, & auctoritatem in Capitulo, Canonicos, Ministros, & Officiales dictae Ecclesiae a jurisdictione, & superioritate Episcopi Carnoten. exemptos, & liberatos, pro tempore existenti Episcopo, & ejusdem Ecclesiae Blesen. concedimus, & attribuimus, eidemque jus, auctoritatem, & potestatem quaecumque, & qualiacumque cum cura, & sine cura Beneficia Ecclesiastica quomodolibet nuncupata, & qualificata in Cathedrali, & aliis Ecclesiis Civitatis Blesen., necnon in tota sua Dicecesi Blesen. consistencia, & extra illam, eaque a dictis Monasteriis S. Launomari, & Burgimedii, ac Prioratibus hujusmodi unitis dependere dignoscuntur occurrentibus quovis modo illorum vacationibus, personis idoneis, dummodo tamen Beneficia hujusmodi sub Concordatis praedictis non comprehendantur, pleno jure conferendi, & de illis etiam providendi concedimus, & impartimur.

Assignatio
cujusdam
Abbatiz
Ecclesie
Carnoten.
ob
factam
divisionem.

§. 5. Et quia ex distractione, & dismembratione dictae Ecclesiae Blesen. a Dicecesi Carnoten. aliqua damna Episcopo, & Capitulo, & Archidiacono Ecclesiae Carnoten. inferuntur; Nos ad enixas dicti Ludovici Regis preces Mensam Abbatialem Monasterii Gaudivallensis vulgo de Soyenuel Praemonstraten. Ordinis Carnoten. Dicecesis illius Commendam, in qua ex concessione Apostolica ad vitam obtineri consuevit per obitum Gregorii d'Aubusent de la Fovillade illius ultimi Abbatis Commendatarii extra Romanam Curiam defuncti cessante vacan., & ad quod dum pro tempore vacat, idem Ludovicus Rex vigore Concordatorum praedictorum personam idoneam nominare potest, & debet, salva, & illa illius mensa Capitulari remanente, ex quo dicti Ludovici Regis ad id accedente consensu etiam supprimimus, & extinguimus omnes, & singulos d. mensae Abbatialis Gaudival-

lensis fructus, redditus, & proventus eidem Ecclesiae Carnoten., seu illius mensae Episcopali unimus, applicamus, & appropriamus, ita tamen ut ex fructibus hujusmodi trecentae librae Turonen. unicuique ex tribus Archidiaconis Ecclesiae Carnoten. praedictae praesentibus, & futuris pro indemnitate suorum Jurium annuatim perfolvantur; & casu quo modernus Archidiaconus Dumensis ex nunc distractioni, & dismembrationi partis, seu portionis sui Archidiaconatus consentire, & tali compensationi acquiescere renuerit, seu noluerit; Nos jura, & jurisdictionem ipsius in illa parte seu portione sui Archidiaconatus, ut praefertur, distracta, & dismembrata quandiu vixerit, & Archidiaconatum obtinuerit reservamus, quodque deinceps perpetuis futuris temporibus quodcumque, & quotiescumque eandem Ecclesiam Carnoten. per obitum illius Episcopi, aut cessionem in manibus Romani Pontificis pro tempore existentis etiam ex causa permutationis, vel Coadjutoriae, aut alias quovis modo Pastoris solatio destitui contigerit, omnes, & singuli dictae Mensae Abbatialis Gaudivallen. fructus, redditus, & proventus, qui cujuslibet primi anni post singularem vacationem ad Capellanum, Dignitates, & Canonicos dictae Ecclesiae Carnoten. distracta prius ex eis summa praedictis tribus Archidiaconis assignata, & supportatis quibusvis aliis debitis oneribus spectent, & pertineant.

§. 6. Et quia in dicta Civitate Blesen. Domus pro Episcopi habitatione constructa non extat; Nos supradicto futuro Episcopo facultatem, & licentiam damus in dicta Civitate Blesen., aut alibi existentes, & ad mensas Abbatiales dictorum Monasteriorum Sancti Launomari, & de Burgomedio spectantes vendendi, alienandi, aut hypothecandi, & ex illis retractum pretium in emptionem situs, & constructionem, & adificationem Domus Episcopalis hujusmodi construendi, erogandi etiam concedimus, & impartimur; statuimus quoque, ut donec Seminarium ad praescriptum Concilii Trid. institutum fuerit Clericis Sacris initiandi, seu etiam initiati in Seminario Carnoten. educari, & instrui poterunt.

§. 7. Insuper etiam Episcopo, Dignitatibus, Capitulo, & Canonicis praedictis ut pro Dote Ecclesiae Blesen. ac illius Mensae Capitularis, Sacristiae, & fabricae, earumque rerum, & bonorum tam spiritualium quam temporalium profpero, & felici statu, regimine, & gubernio, directione, ac onerum illi incumbentium supportatione, Missarum, horarum Canonicarum, divinatorum tam diurnorum, quam nocturnorum Officiorum, processionum funeralium, anniversariorum, & aliorum praefatorum celebratione, ac de dignitatibus, Canonicatibus, & Praebendis, aliisque beneficiis, & Ministeriis Ecclesiasticis pro tempore providendorum receptione, admissione, residentia personali distributionum etiam quotidianarum & emolumentorum quorumcumque divisione, repartitione, & administratione penarum per absentes, & divinis suis loco, & tempore non assistentes, seu onera, & ministeria eis incumbencia subire negligentes incurrendarum impositioni singulorum praesentias, & absentias notandi, Ceremoniis, & ritibus in Cathedrali Ecclesia, Choro, Capitulo, Processionibus, & aliis actibus servatis servandis, & Ministris dictae Ecclesiae Blesen. necessariis deputandis, & amovendis, salariis, & stipendiis eorum cuilibet assignandis, & quibusvis rebus in praemissis, & circa ea quomodolibet necessariis & opportunis quaecumque Statuta, Ordinationes, Capitula, & Decreta, licita tamen, & honesta, & Sacris Canonibus, praesertim vero Concilii Tridentini Decretis, & Constitutionibus Apostolicis non contraria condendi, & edendi, ac condita, & edita pro tempore, & rerum varietate, & qua-

Domus Episcopi, & Seminariorum.

Concessio facultatum Episcopo, & Capitulo.

Item concessio privilegiorum Episcopo, Capitulo, aliisque.

Ac jus nominandi ad d. Ecclesiam Regis Franciæ.

Claufulæ.

litare mutandi, limitandi, corrigendi, declarandi, interpretandi, & in meliorem formam redigendi, seu alia de novo etiam ex integro concedendi, & edendi, & per eos, ad quos pro tempore spectabit sub penis in contravenientes statuentis, observari faciendi, plenam, liberam, & omnimodam facultatem etiam concedimus, & impartimur; necnon Episcopo, ut præferatur, ac Dignitates in prædicta Ecclesia Blesen. obtinentibus, ac Capitulo, & Canonicis ejusdem Ecclesiæ, aliisque Capituli, & Ecclesiæ hujusmodi personis, & Ministris pro tempore existentibus, ut omnibus & singulis privilegiis, immunitatibus, exemptionibus, libertatibus, præminentibus, prerogativis, concessionibus, facultatibus, Indultis, favoribus, & gratiis, quibus alii, qui & aliarum Ecclesiarum Dignitates obtinentes Capitula, & Canonici, aliæque Civitates, & Dioceses ac eorum Cleri, Incolæ, & habitatores, eorumque res, & bona fruuntur, potiuntur, & gaudent, seu uti, frui, potiri, & gaudere possunt, & poterunt quomodolibet in futurum, & quoad habitus delationem, ut præferatur uti, frui, potiri, & gaudere libere, & licite possint, & valeant, concedimus, & indulgemus: ac eidem Ludovico, ejusque successoribus Franciæ Regibus attenta suppressione, & extinctione prædictarum Mensarum Abbatialium, & eorum fructuum pro dote, seu dotis parte Episcopatus Blesen. unione Mensis Episcopalis Blesen., & Carnoten. prædictis de consensu dicti Ludovici Regis, ut supra factis Jus nominandi ad dictam Ecclesiam Blesen. quandocumque, & quotiescumque illa Pastoris solatio destituta fuerit juxta formam, & dispositionem Concordatorum prædictorum etiam perpetuo reservamus, concedimus, & assignamus.

§. 8. Præsentes quoque nullo unquam tempore de subreptionis, vel obreptionis, aut nullitatis vitio, seu intentionis Nostræ, vel quovis alio defectu etiam ex eo, quod causæ propter quas præmissa emanarunt coram Nobis, vel alibi verificata, & approbata, ac quicumque in præmissis interesse habentes, seu habere prætendentes ad id vocari, citari, & audiri non fuerint, & præmissis non consenserint, aut alio quovis defectu notari, impugnari, invalidari, retractari, in Jus, vel controverfiam vocari, ad terminos Juris reduci remedium impetrari, vel sub quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus etiam per Constitutiones Apostolicas, aut Cancellariæ Apostolicæ Regulas quandocumque etiam in crastinum assumptionis Successorum Nostrorum ad Summi Apostolatus apicem, vel alias quandocumque editas, vel sub quibusvis tenoribus, & formis emanatas, & in posterum eden., & emanandas nullatenus comprehendi, sed semper ab illis exceptas, & quoties emanabunt, toties in pristinum & validissimum statum, etiam sub quacumque posteriori data per pro tempore existentes Episcopum, Dignitates, Capitulum & Canonicos hujusmodi eligenda restitutas, repositas, & plenarie reintegratas, ac de novo concessas semper validas esse, & fore, suosque plenarios, & integros effectus sortiri, & obtinere, necnon Episcopo, Dignitatibus, Capitulo, & Canonicis hujusmodi pro tempore existentibus perpetuo suffragari; sicque & non alias per quoscumque Judices Ordinarios, vel Delegatos quavis auctoritate fungentes, sublata eis qualibet aliter judicandi, & interpretandi facultate, & auctoritate judicari, & definiti debere, & si secus super his a quoquam quavis auctoritate scienter, vel ignoranter contigerit attentari irritum, & inane decernimus.

§. 9. Non obstantibus Nostris & Cancellariæ Apostolicæ Regulis de gratiis, & Indulgentiis

adinftar non concedendis, ac de exprimendo vero annuo valore, necnon de jure quæfito non tollendo, ac de unionibus committendis ad partes vocatis quorum interest, ac Lateranen. Concilii novissime celebrati uniones perpetuas nisi in casibus a Jure permissis fieri prohibentis, ac quibusvis Apostolicis necnon in Synodalibus, Provincialibus, & Generalibus Conciliis editis, vel edendis Constitutionibus, quibus omnibus, etiam si de illis eorumque totis tenoribus specialis, specifica, & expressa, ac de verbo ad verbum, non autem per clausulas generales idem importantes mentio, & expressio ad hoc servanda foret, illis in suo robore permanfuris, hac vice dumtaxat specialiter, & expresse juxta Decretum Congregationis rebus Consistorialibus præpositæ harum serie derogamus, contrariis quibuscumque.

§. 10. Nulli ergo omnino hominum liceat hanc paginam nostræ separationis, dismembrationis, segregationis, divisionis, exemptionis, liberationis, decorationis, erectionis, institutionis, concessionis, attributionis, assignationis, subventionis, suppressionis, extinctionis, unionis, annexionis, applicationis, appropriationis, translationis, voluntatis, mandati, impartitionis, suppressionis, extinctionis, reservationis, Indulti, Decreti, & derogationis infringere, aut ei ausu temerario contraire; si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum ejus se noverit incurfurum.

Datum Romæ apud S. Mariam Majorem, Anno Incarnationis Dominicæ Millefimo sexcentesimo nonagesimo septimo, septimo Kalendas Julii, Pontificatus Nostri Anno Sexto.

Confirmatur Decretum Congregationis Rituum de Cultu Immemorabili Servæ Dei Mariæ de Capite.

XCV.

Conf. ed. 1696. Jun. 30. P. 5. extat confirmatio Cultus B. Mariæ de Jocos. Et Clem. XI. Conf. ed. 1710. Mar. 16. P. 10. Cultus B. Lucie de Narnia.

INNOCENTIUS PAPA XII.

Dat. 11. Aug. 1697. An. 7.

Ad futuram rei memoriam.

Apostolica servitutis officium, quod inscrutabilis Divinæ Sapientiæ, atque clementiæ altitudo humilitati atque infirmitati nostræ credere dignata est salubriter exequi adspirante superni favoris auxilio jugiter satagentes, Beatarum Christi Ancillarum in Coelis cum eo regnantium, in quibus nimirum utpote vasculis imbecillioribus opus dexteræ excelsi mirabilis, ac illustrius apparuit, cultum, & venerationem in Terris libenter promovemus, sicut pia sublimium personarum non minus virtutis, quam Regii culminis splendore conspicuarum vota postulant, & Nos ad Omnipotentis Dei gloriam, Ecclesiæque Sanctæ decus, atque adificationem expedire in Domino arbitramur.

Exordium m.

§. 1. Cum itaque nuper nempe die 3. currentis Mensis Augusti in causa Toletana Beatificationis, & Canonizationis Servæ Dei Mariæ de Capite vulgo della Cavezza nuncupatæ, uxoris dum vixit Sancti Isidori Agricolæ, ad enixas preces charissimi in Christo filii Nostri Caroli Hispaniarum Regis Catholici, ac charissimæ in Christo filia Nostre Mariannæ earumdem Hispaniarum Regiæ Catholice ejus uxoris, accedentibus etiam in id supplicationibus Ven. Fratrum Archiepiscoporum, & Episcoporum, necnon dilectorum filiorum Senatuum, seu Magistr.

D. Decreto confirmata fuit sententia a Judicibus Delegetis prolata circa dictum cultum, & casum exceptum.